


祥符縣志



DS  
796  
K35H73  
1739  
v.1







祥符縣志序

越河南通志藏事之六載而祥志以  
成祥志者豫之首邑志也宜趾通志  
之美而抗行焉或曰通志既櫟括邑  
志矣通志舉邑志姑徐之可乎余曰  
不可也通志與邑志有大小廣狹之  
分即有繇簡詳略之異矧首邑之志  
尤與通志巔踵相連血脉交注有通



志而無邑志是挈其綱領而遺其條  
理猶錦緣而褐齊也故曰不可也自  
古在昔有東京記又有夷門記有河  
北志又有相臺志互相鈎貫不病複  
沓皆是物也曩康熙癸卯檄脩天下  
通志而

特頒豫志為準獨邑乘缺焉祥志尤剝蝕  
久矣此予之有喟于今日重修祥志



也大祥志亦難矣哉省會為官師淵  
府為疆索弁冕為政令嚆矢為智誥  
窟宅而且祥邑為舊京筵紱為戰壘  
堂奧為文武藪澤為古蹟圖譜緯繡  
糾紛研擘肌理非有鑿鑿乎定楷胸  
中井井乎敷采腕下鮮不踴矣今邑  
令張君既能發紓隱詘銳志復古太  
史魯公嫺明史裁秉筆嚴正余亦藉



手以觀厥成焉洵余夙志也嗟乎東  
都遺事趙宋編年亦既副在金鑑列  
于膠庠何有一方土訓然夷攷宋傳  
中如胡瑗缺經義治事魯宗道缺諫  
天書韓琦缺撤簾謝良佐缺論語大  
義李綱缺謚忠定岳飛缺改謚忠武  
是闕漏也且楊億宋祁曾鞏二蘇不  
列文苑李舜臣不列儒林文天祥謝




枋得江萬里李庭芝徐宗仁不列忠  
義是舛誤也余閱祥志而有怵于心  
因牽連書之亦美魯公之損益進退  
悉合于道凡例具在可覆視也噫宣  
昭大義匪直一邑之光且弼通志于  
不朽矣遂弁其簡端如此

乾隆四年孟夏穀旦

賜進士出身



誥授資政大夫巡撫河南等處地方提督  
軍務兼理河道都察院右僉都御史  
加四級紀錄一次博陵尹會一題





序

志有三曰通志曰郡志曰邑志通志詳於綱而略於目郡志視通志較詳邑志則彌詳矣故邑志難維正壬子歲余奉


命總輯粵東通志時粵遭兵燹之後文獻闕徵且二三同事齎多議論抵牾悟心竊懔焉往歲講課大梁書院祥符邑侯張公以志見屬不可以卻者侯之志專而義薦也夫邑志難矣而祥志則尤難也曩爲王者建都爲諸侯賜履則考古難今



為開府駐節為諸邑弁冕則證今難幸侯通曉  
志體屢就商榷兼督儻人日挹牘而至以資簡  
稽而余二三門下士漁藝獵稗頗解史裁余按  
部就班振綱挈領始於戊午秋七月踰歲之春  
而藁脫矣嗟乎十年之間兩褫志事古人不云  
乎勤後未云已令名安可希而余年已忽々老  
矣抑又不知與粵志何如也昔范石湖修吳郡  
志有勢家求載某事不獲卒起蜚語錮其雕  
板斯又一難也雖然是非一盟諸心毀譽姑聽



諸世則亦何難之有已將開雕因述其緣起如  
此時乾隆己未歲仲春上浣會稽魯曾煜序  
於大梁書院





祥符縣志



序

古者列國有史掌書國中之事而達於王祥符萬室之邑必有識其大者亦必有識其小者考祥志緣起在前明萬歷八年令斯邑者爲武李君嗣是趾其盛美一修於萬歷三十六年令斯邑者爲平陸王君再修於

本朝順治十八年令斯邑者爲攝官涼州張君三君子前後相望而志以成顧王君之修約三十年至張君之修相越已五十四年殆稍疏矣及



今日而五十四年之數又踰二十三年焉嘻亦  
疏甚矣余自商水移篆斯邑爲乾隆元年省覈  
舊志事多舛譌板亦漫漶心殊懼然謂此志不  
當再修耶是年冬赴京師引

見歸實授斯邑黽勉從事于今三年夫三年者報政  
之期也孔門由求論政胥曰比及三年乃昔賢  
鉢之於前而余蹶之於後所學何事能毋大慙  
歟夷攷志書紀載經之以文緯之以武分田制  
祿養在其中矣建學明倫教在其中矣凡昔賢



所謂有勇知方足民禮樂之道若網在綱有條而不紊將力行之而弗振之其何以信於今而傳於後且夫志之成也有天有人

聖人御寓運協昌期文物以紀之聲明以發之斯則天爲之也然使綰符斯邑不遇好文之上官樹之風聲能文之達者司其裒擷則亦人事之不齊也今余既值

聖明之世而又

天子妙選重臣填撫豫服一時居余上者皆當代偉



儒余敬而承之裕如也復遇會稽太史魯公講學大梁書院太史擅三長之識曾典粵志海內宗之斯則天人道合以其時考之則可矣嗟乎時乎時不再來此余所早夜以思其自處不敢後於古人耳遂以志事固請太史太史則諾于是太史起例發凡諸賢各司其局余亦時叅輶論載筆於戊午秋孟脫橐於己未仲春噫此豈人爲之耶蓋有天焉詎余能司其枋哉抑志猶春秋也春秋分十二世為三等有見者三世凡




六十一年有聞者四世凡八十五年有傳聞者  
五世凡九十六年今溯前次修志之期踰於所  
見鄰於所聞日月遼矣書缺有間焉雖殫精竭  
慮銳志搜羅而名山石室之藏學士大夫之口  
猶恐有脫漏焉是役也余與太史蓋闕廢久之  
皆

乾隆四年歲次己未仲春中浣穀旦

賜進士出身文林郎知河南開封府祥符縣事張淑  
載謹序







祥符縣志凡例

一卷釐二十有二為綱者一十有四為目者一百一十有六綱以挈目目以隸綱各歸部署不相  
繆轄

一卷中有圖有表有志有傳有文有詩有書目此  
體製之各從其類也

一各卷參視舊志有舊無而今有者為禮樂志為  
循吏志為雜事志為建置志中之兵衛為河渠  
志中之諸河為人物志中之儒林文苑為藝文



志中之書目皆係新補有舊同而今異者為沿革表為街鎮表為官師表為選舉表皆係新構有舊略而今詳者為地理志為河渠志為古蹟志為建置志為祠祀志為田賦志為人物志為藝文志皆係增訂

一志忌重複茲各卷互相勾貫一事兩見彼此注明如山川一類有入河渠古蹟者注云詳見河渠古蹟祠祀一類有入禮樂學校者注云詳見禮樂學校詳此則略彼冀免累疊之病

一附省首邑與他邑體制不同壹切建設文武儒  
件雖統全省實隸本邑未便略而不書亦未便  
濶而無別茲悉行摭入以誌詳慎仍分賓主不  
侵省志郡志之權各注明本條

一縣志不得闢入帝王故五代史本紀宋金諸史  
本紀雖建都茲邑例俱不載亦不得濫入封建  
故史記梁惠王梁孝王世家明史周定王列傳  
雖分藩茲邑例俱不載

一志中循吏人物各傳或仍摭舊志或兼採通志



郡志或據崇祀旌表或憑確鑿事實非是寧嚴  
勿濫

一人物志最關激勸舊志有脫漏者如宋王應麟  
一代通儒未可因宋史書其僞籍之慶元而忘  
其本籍之沒儀也今必舊志有濫列者如戰  
國張儀謀弱蘇梓未可因秦奏削魏之功而魏  
亦收爲人物之光也今从刪

一志中如信陵君傳張耳陳餘傳吳兢薛居正尹

繼倫相敬中各傳皆汴土名人舊志寥寂數諸

未副其實今各據史記唐書宋史叅補又如丁  
寬戴德前漢書俱入儒林邊韶邊讓後漢書俱  
入文苑宜仍舊貫庶合體裁舊志混而不分今  
悉為釐正

一李延壽南北史以隋屬北朝通鑑綱目以隋開  
皇九年以前屬北朝開皇九年以後屬正統茲  
紀隋事各叅其類用之

一歷代編年有做綱目體者凡紀年皆綴書一年  
行有不做綱目體者凡紀年皆連書不另  
行寫



一各表或倣史記式或倣前漢書式或倣唐書式  
例有不同亦不於官師選舉表中先注明某人  
有傳無傳以爲嚆矢

一古今詩文本資考鑑務在廣搜其紀事詩文即  
附各事之下勿令逸出或無關此事顛末及繁  
重者仍散入藝文志中

一詩文與地相發及有掌故可考者甫錄至於一  
家私言原非千秋考鏡雖係鴻章鉅筆槩勿入

一各史藝文志及鄭樵通志藝文略祇列書目原  
未選入詩文今各志藝文專選詩文不列書目  
是文選體非藝文體也但相沿已久未便遽更  
惟另列書目一條謹存舊制

一列史各有論贊以寓褒貶抑揚唯明宋潛溪元  
史不著論贊謂準春秋之體今志書多因之寧  
譏斷爛朝報不蹈駢拇枝指法殊簡當茲帙亦  
爾然偶附龔陋之見如地理志之星野形勢河  
渠志之水利暨各卷本文下參注數條乃係厭



指未嘗再爲旁通並非另贅纂述以矜斷制  
右凡例共一十六條

儒之姓氏

集解

提督河南學政山直道監察御史加五級

調任提督河南學政山直道監察御史加五級

提督河南學政翰林院編修加五級

調任河南承宣布政使加三級

河南承宣布政使加三級未定元

河南承宣布政使加三級未定元

河南承宣布政使加三級未定元

姓氏

江蘇太倉人

江蘇太倉人

江蘇太倉人

江蘇太倉人

江蘇太倉人

江蘇太倉人

江蘇太倉人



府志

守程驛鹽道黃叔璥

直隸人  
已丑進士

歸陳許義官河務兵備道胡紹芳

浙江人  
廬生

守彰懷衛兼管河北河務兵備道張受長

直隸人  
丁未進士

守彰懷衛兼管河北河務兵備道張學林

江南人  
貢生

守開封府知府張學林

江南人  
貢生

署任開封府知府佛保

滿洲人  
貢生

總修

翰林院庶吉士現待養魯曾

浙江人

卷一

祥符縣知縣加三級張淑載庚戌進士

祥符縣典史加二級施澤溥直隸延慶州人

全編

河南已未科進士劉慎祥符人

河南戊午科舉人張彬祥符人

開封府學廩膳生員劉金書祥符人

開封府學廩膳生員張家彥祥符人

祥符縣學廩膳生員党士伸祥符人



祥符縣學附學生員徐堂祥符人

祥符縣學附學生員張肇昆祥符人

祥符縣學附學生員王世壇祥符人

祥符縣學附學生員徐杞祥符人

祥符縣學附學生員王國政祥符人

祥符縣學附學生員劉克拔祥符人

祥符縣學附學生員魏維則祥符人

中牟縣學廩膳生員王大輅祥符人

陽武縣學附學生員王寅陽武人

祥符縣志目錄

輿圖志卷一

縣境圖

舊縣城圖

今縣城圖

舊學宮圖

今學宮圖

黃河圖

汴城八景圖

地理志卷二

沿革

表

星野

疆域

形勢

山川

風俗

物產

河渠志卷三

黃河

諸河

溝陂井附

堤閘

橋渡



古蹟志卷四

城 岳 岡 海 邱 門 宮 堂 館

衙 臺 樓 亭 池 園 苑 洞 峽

渚 泮

建置志卷五卷六

城池 關門 附 學校 書院 社學 附 官室 兵衛

街鎮 表 市隸 坊表 附

以上分上下二卷

禮樂志卷七

興典 拜牌 拜詔 赴任 朔望 迎春

賓興 鄉飲 鄉約

祠祀志卷八卷九

壇壝 祠廟 寺觀 庵閣 附陵墓 附漏澤園義塚

以上分上下二卷

田賦志卷十

戶口 田糧 赴解 存留 倉廩 里甲

蠲免 賑濟 繕給 緩徵 鹽課 學田

匠價 雜稅



官師志卷十一

令丞表  
簿尉表  
教職表  
城守表

選舉志卷十二

薦辟表  
進士表  
舉人表  
貢生表  
封贈表  
廕襲表

循吏志卷十三

邑宰  
佐丞  
屬尉  
師儒

人物志卷十四卷十五

鄉望  
忠烈  
孝義  
儒林  
文苑  
隱逸

流寓  
釋道  
方技  
列女

以上分上下二卷

雜事志卷十六

祥異 辨誤 識遺 神怪

藝文志

卷十七 卷十八 卷十九 卷二十 卷二十一

疏 牋 頌 贊 論 議 序 記 辨

傳 文 銘 跋 賦 詩 書目

以上文分上中下三卷詩分上下二卷書目一



祥符縣志序文姓氏凡例目錄

共二十八頁

祥符縣志卷之一

輿圖志

縣境圖

舊縣城圖

今縣城圖

舊學宮圖

今學宮圖

黃河圖

汴城八景圖

祥符古有圖矣漢王允收東京蘭臺石室圖籍其時開封古縣隸河南尹正屬東京可考而知也今開封升府而祥符領縣封疆既古形勝亦繁爰繪圖十四其他無關引鑒者則畧之爰合志輿圖





邱縣界

西至中牟縣界


輿圖




氏縣界



舊縣城圖








今縣城圖









舊學宮圖








今學宮圖








黃河圖







沐城八景繁



東風暖氣入吹臺嫩柳穠  
桃錦障開最愛郊坰春色  
好良農蚤見荷鋤來

右題繁臺春色

叔載




隋堤烟柳圖



汴都濃綠接江都一幰垂  
垂萬柳圖何處能窮千里  
目芳堤煙氣太模糊

右題隋堤烟柳

漱齋





鐵塔行雲圖



古寺巍巍窳堵波太空相  
盪亦相摩何人更上一層  
去留得卿雲五色多

右題鐵塔行雲

叔載






金池夜雨圖




面通棋臺曲曲通荷花荷  
葉雨聲中尋書一夜催詩  
夢繞到金池

右題金池





泅水秋聲圖



落木蕭蕭帶雁鴻  
汴河滾滾蹴西風  
只今涿水消何處  
猶帶秋聲一賦中


右題汴水秋聲

叔載





州橋明月圖



萬家烟火古州橋月色如  
銀夜沈寥却憶維揚二十  
四玉人何處學吹簫

右題州橋明月

淑載





相國霜鐘圖



鐵鳳觔稜勢翼然老僧蚤  
起喚枯禪鐘聲也似寒山  
寺月落烏啼霜滿天

用古

右題相國霜鐘

叔載





梁園雪霽圖



曾向梁園看雪飛  
鄒枚授簡尚依稀  
只今瑞旭高懸處  
好袖平臺賦草歸

右題梁園雪霽

叔載





示名具表

卷一  
八景

三

新修縣志卷之二

地理志

沿革

星野

疆域

形勢

山川

風俗

物產

邑踞都會宜先地理然志者三極之道也參天  
地人而一之者也不志沿革無以知人不志星  
野無以知天不志疆域形勢山川無以知天險  
地險王公設險也風俗人道也而天道地道存  
焉物產地道也而天道人道存焉爰合志地理



沿革表

唐虞三代春秋戰國秦漢魏晉南北朝唐宋元明

豫州鄭

魏王瑩分浚儀西漢高仍因東仍因魏宋仍因高祖時梁改汴仍因後梁宋不改開封改汴梁

府曰汴梁總管

梁始有縣屬

開封縣陳留郡南郡曰後魏二郡為汴郡曰開宗時改

梁路總府仍曰

浚儀之川郡

屬河南曰陳留滎陽郡縣俱屬州浚儀封府二浚儀曰

管府開開封府

名然未

郡武帝國河南二縣仍陳留郡開封二縣均屬祥符

封祥符省開封

置縣

時以浚曰河各分屬東魏分縣均屬焉

按祥

三縣均縣併入

儀縣屬南郡二

陳留郡焉元宗後唐改

符名

屬焉祥符縣

陳留郡縣各分

置開封時仍復開封府

縣始

按附

東漢因屬

郡以開為陳留曰汴州

於宋

之但改

封縣屬郡又增宣武軍

祥符

河南郡

焉浚儀置小黃二縣均

一縣

曰河南

仍屬陳新里二屬焉

尹二縣

留郡縣旋又晉改汴

始於

乃各分

比齊自并入開州宣武

按西  
 漢時  
 以浚  
 儀縣  
 東北  
 隅割  
 入小  
 黃縣  
 同屬  
 陳留  
 縣然  
 非分  
 森也  
 故各  
 志沿  
 革俱  
 不及

開封郡封縣肅軍仍曰  
 並省開宗時又開封府  
 封縣以爲汴州二縣均  
 浚儀屬德宗時屬焉  
 陳留郡徙宣武漢周因  
 後周因軍治此之  
 之而汴州按開  
 隋改陳之名不封名  
 留郡爲易府始  
 聚陽郡於梁  
 復置開  
 封縣其  
 縣之西  
 南隅割  
 入新里  
 縣與浚  
 儀均屬  
 焉旋又



地名集

卷二

沿革

至北  
齊始  
省

省新里  
併入開  
封

按開  
封名  
郡始  
東魏  
至北  
齊仍  
省北  
齊又  
省小  
黃縣  
併入  
濰縣

隋開皇四年割

永昌縣

一得古豫州春秋鄭地戰國魏侯國都之

紀年云梁王始爲大溝於北郭以行圃田之

曰浚儀此浚儀之所由始也秦屬三川郡始

郡縣河浚儀開封二縣漢析改三川郡分二

一曰陳留郡一曰河南郡統屬兗州司隸部

帝初以開封縣屬河南郡元狩元年以浚儀

陳留郡其東北偏陽割入小黃東漢因之但

改河南郡曰河南尹二縣仍分屬焉三國

以後陳留郡改屬司隸部如後置司隸部曰司



州部河南部曰滎陽郡魏開封縣屬滎陽郡

儀武屬陳留國南北朝魏末仍舊魏收兗州

部曰梁州部郡如故二部俱屬陳留東魏省

梁州部曰北揚州部曰梁州部郡如故天平二

年分陳留郡析置開封郡以開封縣屬焉其後

復仍屬陳留北齊開封郡縣以浚儀屬陳留

郡並省小黃而還其東北舊隅焉後周收二部

置梁州部郡如故亦以浚儀屬陳留郡隋收

梁州部郡改陳留郡為滎陽郡復置開封

縣與浚儀俱屬滎陽郡但割開封之西南  
新里縣旋又復焉唐改豫州都爲河南道復  
汴州又復名陳留郡二縣均屬焉又增置小黃  
新里二縣旋又省二縣仍名汴州五代梁改河  
南道曰東都陞開封縣爲開封府仍分浚儀開  
封二縣後唐改開封府曰汴州宣武軍浚儀開  
封屬焉晉漢周改東都曰東京改汴州宣武軍  
曰開封府以浚儀開封屬焉宋改東京爲京畿  
仍設開封府二縣屬如故至景德間因得天書



之端有大中祥符三篇遂改設儀曰祥符全改  
京畿曰南京路府縣因之元改南京路曰河南  
江北行中書省開封府曰汴梁總管府二縣因  
之明改河南江北行中書省曰河南布政使司  
府如故省開封縣入祥符縣

皇清因之惟雍正四年制本邑新安社隸山東曹縣  
再建都沿革

祥符之建都自戰國魏在瑩九年始也實惟司顯

王之二十九年是年齊將狄侯魏獻河而

於秦遂從安邑徙都大梁魏以今陝西同州韓  
城縣爲少梁以今河南開封祥符縣爲大梁史  
記正義曰今汴州浚儀大梁亭是也五代時梁  
太祖以宣武節度使篡唐都此至開平三年遷  
洛陽均王卽位又都大梁唐同光元年莊宗入  
大梁是年冬從張從義言遷洛陽嗣後李嗣源  
潞王從珂石敬瑭更入爲帝皆都洛陽舊史謂  
五代皆都汴者失考也至天福二年復遷都汴  
州漢與周皆都汴矣就五代而論汴與洛遞相



爲都其都洛也梁凡五年唐凡十三年晉凡一年共十九年餘則咸都汴也宋都之金入宋亦都之至金正元間徙都燕京正祐間又復徙都汴此祥符歷代建都之始末也

再稱京稱都沿革


祥符之稱東都也自梁太祖始也以汴州爲東都以洛陽爲西都東都者對西都而言也後唐遷都洛陽則又以洛陽爲東都而汴梁東都之名隱矣至晉復遷汴則又以汴州爲東京洛陽爲

西京東京者又對西京而言也自此迄漢周以  
至於宋金東西京之名不易凡二百年至金徙  
都燕改汴京曰南京南京者對北京而言也後  
復徙汴則以汴京爲南京洛陽爲東京元時都  
燕亦以汴梁爲南京南京者亦對北京而言也  
明初暫駐汴梁後都金陵又以開封爲北京北  
京又對江寧南京而言也此祥符歷代稱京稱  
都之始末也

星野



角宿圖



亢與房心二者相較又孰優曰房星五度之  
說最優李淳風不云乎梁之入房五度也自陳  
卓范蠡鬼谷先生張良諸葛亮譙周京房張衡  
皆云然也故漢建元元年夏六月客星見於房  
爲梁孝王遊士之應宋建隆三年冬十一月歲  
星熒惑合於房爲汴洛文明之應是考之專家  
稽之往轍祥符分野斷屬房星五度何疑哉而  
諸家亦存其說以備考云

疆域



祥符縣志

卷二

疆域

三

祥符縣附開封府郭屬豫省首邑東五十里抵陳  
留縣界西七十里抵中牟縣界凡廣一百二十  
里南九十里抵尉氏縣界北四十里抵封邱縣  
界凡袤一百三十里又東南抵通許縣界九十  
五里東北抵蘭陽縣界七十里西南抵洧川縣  
界一百五十里西北抵延津縣界五十里出縣  
麗景門曰高家樓曰太平堽爲縣之向東驛道  
出縣大梁門曰正門口曰橫隄曰大營爲縣之  
向西驛道出縣南薰門曰蘆花堽曰仙人庄

老范店曰朱仙鎮曰腰兒鋪曰關店爲縣之  
南驛道出縣安遠門曰野家塲曰洛里堤曰  
家寨爲縣之向北驛道出縣仁和門曰晏台河  
曰南神垕曰小黃曰招討營爲縣之向東北驛  
道出縣麗景南薰兩門曰蘇村曰谷家庄曰赤  
倉曰萬隆垕曰小高廟爲縣之向東南驛道此  
祥邑之所謂五門六路以定疆域者也而郵鋪  
亦存其中矣

形勢



戰國策蘇秦說魏襄王云大王之國南有鴻溝陳  
汝南許鄆昆陽召陵舞陽新鄴新鄴東有淮潁  
潁水無胥西有長城之界北有河外卷衍酸棗  
地方千里又張儀說梁哀王云魏地四平諸侯  
輻輳無名山大川之限從鄭至梁二百餘里車  
馳人走不待力而至梁南與楚境西與韓境北  
與趙境東與齊境卒戍四方守亭鄣者不下十  
萬梁之地勢固戰國也

漢書酈生說高祖云陳留天下之衝

今詳符屬莫陳留郡

唐書天文志云七國地形天下雌韓而雄魏又李  
勉傳云汴州水陸一都會

宋周邦彥汴都賦云分疆十同提封萬井又張洎  
奏事云八方所輳爲天下樞

豫州天下之腹心祥符又豫州之關奧居內控外  
領祐中原百里之國此爲雄矣在德不在險何  
論山谿用文不用武惟資富教衍沃坦夷人物  
豐阜善乎宋史筆斷之論趙藝祖也曰以仁義



爲金湯以禮樂爲干盾柔遠能邇昌大邦家其  
今日

唐虞聖世赤縣神州之謂夫

山川

山

夷山在縣治東北安遠門內以勢平夷故名亦名  
夷門山古有夷門乃侯嬴監守之處史記云夷  
門汴之城東門也而安遠門乃汴之北門今北  
門內地勢頗高似是夷山而司馬遷乃云東門

意者言今城垣改徙不一今莫可考矣唐初修  
詩云六龍冉冉驟朝昏魏國賢才杳不存惟有  
侯羸在時月夜來猶自照夷門

龍亭山亦名煤山在縣治東北明太祖封馬濟於  
開封築土山於王宮後建亭閣列花石爲遊觀  
所明末河決湮康熙三十一年恭建

萬壽宮於上

艮嶽壽山在縣治北卽宋徽宗所增築以廣皇嗣  
者詳見古蹟志



平陽縣志卷之二 五臺縣志古蹟志

通平陽縣志卷之二 五臺縣志古蹟志

人形貌甚異其

侯家岡在縣南十五里

侯子岡在縣南十五里

井家岡在縣南十五里

七聖岡在縣西七里

八寶岡在縣西三十里

百歲岡在縣南二十里

萬龍岡在縣東南五十里亦名爛龍岡俗傳有龍爛  
於此故名又名龍岡

祝岡在縣東南五十里

鍾家岡在縣東南五十里

赤蒼岡在縣東南四十五里又名關頭岡

蘇村岡在縣東南十里下有蘇氏大族俗呼之

毛岡在縣東南二十五里

黑岡在縣西北二十五里其土黑色下有池多魚

今濶又名涸魚岡



太平岡在縣東二十里

鳳城岡在縣南十里世傳金章宗時有鳳凰集於此亦名鳳凰岡

望牛岡在縣南十三里城形勢如卧牛登是岡以望之則可見故名

百岡在縣東北三十里許見古蹟志

獨樂岡在縣東十五里昔有富家子婚邀釀飲爲樂徽宗微行見而歎曰此人其獨樂哉故名

鵲村岡在縣南五里宋養鴈鵲處

牛尾岡在封邱門外東一里俗以城爲卧牛此岡則牛之尾也

霍赤岡在縣東北二十里詳見古蹟志

狼城岡在縣西三十里

杏花岡在縣西五十里亦名青龍岡

藥局岡在縣西二十里昔宋朝元宮藥局

纏腰岡在縣東北二十五里俗名長葉岡

沙塢岡在縣東北二十五里

袁家岡在縣東二十里亦名北神岡



神符縣志

卷二

地理

南神岡在縣東北二十里

梳頭岡在縣東二十五里

角橋岡在縣東二十五里

邊村岡在縣東五里

殷家岡在縣東十里

白石岡在縣東二十五里有石皆白色

胡岡在縣東二十五里

傅家岡在縣東二十里

岡在縣東北二十里

槐疙疸岡在縣東北三十里

兔白岡在縣東北四十里

蘇家岡在縣西五里

獅子岡在縣西三十五里

按岡字今俗从垠考岡與垠同晉陸雲答車茂書云結置繞垠則岡可从垠今通部兩字兼書

青堆有二一在縣東窪務保之東北一在縣西南

毛保之西

申家堆在縣西之永安保

大營堆在縣西八角保



王家堆在縣西南毛保

水

黃河由中牟界入境至陳留界出境詳見河渠志

浚水在城北後爲汴水所奪詳見河渠志

汴水在縣西北詳見河渠志

蔡河在縣東南詳見河渠志

金水河在縣西詳見河渠志

五丈河在縣北安遠門外詳見河渠志

六丈河在縣北安遠門外五里詳見河渠志

太倉寺河一名塘頭河在縣東北三十五里詳見  
河渠志

伯俞河在縣西南三十里八角保伯俞村詳見河  
渠志

掣水河在南戴樓門外詳見河渠志

白馬河在東揚州門外詳見河渠志

寶善河由中牟界入境至朱仙鎮南出境詳見河

渠志

呂家潭沈家潭俱在朱仙鎮南



蓮花潭在縣東十里

清水潭在縣西三十五里

龍潭在縣西北堤口有左右二潭歲旱禱雨輒應

赤倉潭在縣東南五里

刺史泊在縣東南

楊子岡泊在縣東北

楊六郎宅水泊在裏城內西北

龔家泊在縣西南八角保

冉家泊在縣西南八角保

牛家泊在縣西南八角保

以上諸泊多湮於河水今無復存

風俗

漢書地理志云梁魏之墟人多俊髦好儒雅雜以  
遊豫有魏公子之風難動以非易感以義

唐杜氏通典云地居土中物受正氣其人性而  
才慧其地產厚而類繁又劉禹錫汴州刺史廳  
壁記云地爲四戰其俗右武人具五都其氣習  
豪



祥符縣志

卷二 風俗

三

宋史地理志云重禮義勤織紵又楊侃皇畿賦云  
舊俗剛毅里多壯士任俠尚氣聞義則畏又祝  
穆方輿勝覽云物產富饒習俗侈靡

明祥符舊志云士以節義自重而羞干謁民以敦  
嗇爲良而耻告訐平原修野故其人坦易洪濤  
巨河故其人浩博

皇清雍正七年

世宗憲皇帝頒河南

恩諭云豫省士庶民風向來醇朴又能遵守封疆

之教人人向義輸忠以受

上天之恩實可謂良民矣

四禮

冠禮

男子十五至二十皆可冠其先期旬日有家廟筮  
日筮賓之節至日行禮有拜賓至之節有行盥  
洗之節有賓致祝之節有賓加冠之節有賓飲  
冠者之節有賓字冠者之節有冠者拜賓之節  
有冠者拜父母拜諸父母兄弟拜鄉先生之節



有主人飲賓之節有賓酢主人之節有主人薦幣之節有主人送賓之節有主人告廟之節但其俗之異者古禮三加今惟一加也其致祝之辭務在貢諛否則主人銜之然冠禮今亦多不行

婚禮

婚有納采問名之節有納徵卽附納吉請期之節有親迎之節但其俗之異者所用羊酒羊忌黑

果酒必以江南爲貴其饋婦家以果麪合歡酒

也婦家受之而易酒以水又插以箸也其  
也婦翁賓之必饋婿函金婿方食謂之開口禮  
否則婿不食也女子將歸也立於石上曰踏實  
地含麪汁噴母且擲箸母懷母以襟受之曰留  
財女至婿門有人授寶瓶於女令女抱之寶瓶  
者中貯五穀金銀也翼日婿行謝親禮婦翁食  
以餽飪兩角相抱謂之抄手象婿容也三日之  
內婦家饋飯第三日爲女行餽飯之禮餽餽中  
加以油蜜欲其親之甘而易入也涓吉女歸寧



婿亦偕之曰回門婿饋女家芝餅女家按女歲若干計歲加倍仍還婿家其所用之羊婿家請期用之女家粧送亦用之婿家親迎又用之女家饋食亦用之婿家謝親用之女家饌飯亦用之往來展轉仍歸婿家俗謂之鋪兵羊

喪禮

喪有三日而歛之節有五七日服成受弔之節有期年小祥之節有再期大祥之節有中月而禫之節有二十七月而服除之節其葬不拘時

上元可增十七十八兩日於是十四日曰試燈十五日曰正燈十六七日曰續燈凡士女宵而行必度橋謂免腰疾

二十五日

是日也名曰填倉日農人積粟之處燃燈設祭以祈豐穰餒必及牛人焉有於是日迎女歸寧者

二月

朔日爲中和節爛親互餉細麪謂之龍鬚麪取豆生芽者火炙之以穰虫毒有神曰勾龍春社祀



之

三月

清明節男婦掃墓提壺挈榼車後掛紙錢粲粲然  
滿道也新娶婦尤盛粧行拜墳禮葬已過三載  
者始益土邱壠而高大之祭畢以紙錢表墓祭  
罷而哭者婦女什九哭罷享祭餘享罷婦女先  
歸攀折柳條攢捆成束載於乘車歸插屋簷且  
佩帶焉下逮犬貓不遺

二十八日

是日乃嶽帝誕辰及期有結社而醮祝者有獻神  
冠服者有貢所製沉檀者有夜趨而以得焚第  
一炷香爲喜者鄉媪村姑塵面蓬首妖童冶女  
艷服靚粧結隊而來似茶似嫖火炎於鼎後至  
者不能向邇也是日百貨駢集地無餘隙

四月

朔日採皂莢芽簪帶之未詳何義

八日

是日爲如來出世日名刹禪院所禳甚衆有以醵



大豆貯杵中聽人手拈謂之結緣於是王瓜初生摘售謂之進鮮

五月

是月謂永五日曰天中節闢司張筵於演武堂謂之騰柳家各貼紙靈符於堂懸泥天師於戶揮門以艾鋪榻以蒲當午啖角黍飲砂黃菖蒲酒

二十八日

是日乃郡城隍誕辰士女叩祝略同嶽帝廟

六月

六日曰天貺節各於日未出時火炙小麥麪微黃  
色投百沸湯中入以糖食之云去熱濕免目疾  
午時晒衣物下至老儒破書貧婦敝縕反覆承  
日光不已初伏日忌飲涼漿杵大小麥千餘合  
菜豆煮食之云免暑傷亦有餽遺戚友者

七月

七日之午婦女多乞巧以盃貯水曝烈日中頃之  
水膜凝面舉繡針投之則浮諦視水底針影有  
成雲物花鳥之影者爲上有成剪刀牙尺之影



者爲次謂乞得巧女伴相賀其影粗如槌細如  
絲直如矢則拙矣幼女尤忌或至垂涕泣其母  
每曲慰之

中元

望日中元節梵經稱謂孟蘭會有道禪僧高登法  
一座施放瑜珈談口翻捧誦經演咒鬼不餒而昔  
有浮紙燈於河自汴蔡河塞而此風微矣

八月

月之望曰中秋中秋之夕祭月以瓜以餅象月之

圓闔閣司香且旁列豆葉數莖云爲玉兔設食  
晚粧修整頂禮最嚴也是日也凡酒家新釀初  
熟例懸綵繒簷額以告味佳

當明季崇貞壬午流賊窺汴寇氛甚熾時值中  
秋雖圍城之中易子析骸然猶有仰對月華興  
復不淺城上大賚士卒酣歌徹夜賊疑爲誘敵  
戒嚴遠偵焉

九月

九月九日張筵於繁臺九仙堂相率登高蒸糕戚



屬餽相報麪餅嵌栗棗仍以餅覆之層層環疊  
復以棗飾之謂之節節花糕糕肆標紙旗曰花  
糕旗酒家賣菊花酒蒔菊者肩挑各種賣之簇  
簇可喜也

霜降

霜降日例祭旗纛之神大帥偏裨前茅後勁綉旗  
飛動金鼓闐轟軍威必整各司其局又試西洋  
火器聲振遠邇

十月

十月之交剪紙成衣捧焚邱壠曰送寒衣

十一月

冬至祭祖以粬粿俗曰餽餽又畫素梅一枝爲瓣  
八十有一日染一瓣瓣盡而九九出則春深矣  
曰九九消寒圖且歌曰一九二九相喚不出手  
三九二十七籬頭吹葢簌四九三十六夜眠如  
露宿五九四十五家家堆鹽虎六九五十四口  
中咽煖氣七九六十三行人把衣單八九七十  
二猫狗尋陰地九九八十一窮漢受罪畢纔要



伸脚睡蚊蟲蠅蚤出

十二月

是月藏冰月曰臘又曰嘉平朔八曰臘八晨起煮  
豆果雜米爲粥曰臘八粥爲小兒薙髮曰臘葫  
蘆

祀竈

二十四日云各家竈神將朝天去白人間一歲事  
故於二十三日先祀之祭品必列糖數餅以酬  
神口使勿言又煮豆剉草置於竈傍以殊祀

馬祭餘糖果禁幼女不得啖曰啖竈餘則食  
時唇之四際必黑

### 歲除

術家有載男女干支尅犯禁婚之說解之者曰二  
十四日後神煞朝天百無禁忌於是數日婚娶  
較多鼓吹及轉移執事者日不暇給矣

當除之夕也洒掃庭堦陳設供奉入更後啟外門  
鞠躬迎神以入奉爵以安神位獻歲三日不敢  
洒掃慮塵神几筵也長幼卑尊聚而拜曰辭歲



聚而飲曰守歲以卷曲木雜松柴燎燒院中日

燒松盆

物產

貢麪

許氏說文云麪麥末也束皙麪賦云重羅之麪塵  
飛雪白豫州厥貢如法製于祥邑

汴綾

宋史及文獻通考云開封祥符貢方文綾今汴綾  
似縐差薄而光亮乃其遺制

鯉魴

詩云豈其食魚必河之鯉又云豈其食魚必河之魴祥邑濱河一味鮮腴宋尤袤句云魴鯉各登筵是也

遠志

遠志祥符最良

大芋

蹲鴟之種祥邑第一

玉簪花



一名鶴秋開白花亦有紫者狀類簪祥邑最夥

以上祥符擅名再將祥符各產列左

穀類曰大麥曰小麥曰黍

俗名黃米

曰稷曰粟穀

俗名小米

有黏者俗名小黃米

曰高粱曰黃豆曰青豆曰菜豆曰黑

豆曰扁豆曰豌豆曰豇豆曰刀豆曰小豆曰芝

蔴曰蕎麥

蔬類曰白菜

一名菘

曰菠菜

俗名青菜

曰芥菜曰大芥曰

莧菜曰芹菜曰薯蕷曰茼蒿曰蒿苳

俗名蒿笋

曰蔓

菁

俗名臺菜

曰蔥曰蒜曰韭曰芫荽曰蘿蔔曰薯蕷

一名曰萱花曰囊荷俗名

瓜曰西瓜曰南瓜曰北瓜曰王瓜曰

瓜曰菜瓜曰絲瓜曰苦瓜曰葫蘆曰瓠子曰

子

果類曰蘋果曰沙果

一名花紅

曰桃曰李曰杏曰柰曰

梅曰石榴曰葡萄曰梨曰棗曰柿曰核桃曰文

官果曰藕曰蓮子

花類曰海棠曰芙蓉曰菊曰丁香曰臘梅曰千葉

榴曰鷄冠曰金盞曰玫瑰曰木香曰石竹曰秋



海棠曰夾竹桃曰月季曰蜀葵曰鳳仙曰紫茉莉曰蝴蝶花曰黃葵曰向日葵曰十姊妹曰芍藥

木類曰栢曰楊柳曰槐曰榆曰椿曰桑曰柘曰楮曰棟曰棠曰白楊曰皂莢

草類曰蓼曰藻曰萍曰葦曰荻曰茅曰蒿曰蓬曰稗曰蒺藜曰馬蘭曰苜蓿

藥類曰枸杞曰蘿蔔子曰地丁曰金銀花曰夏枯草

鱗類曰鯽曰鮎曰鯪曰鯢曰鰱曰鯔曰白魚

介類曰鼈曰蝦

羽類曰鷄曰鴉曰鵠曰鴈曰鴿曰鶉曰鴝曰喜鵲

曰烏鴉曰鷹曰鴉曰燕曰鶯曰麻雀曰啄木

毛類曰馬曰牛曰驢曰驢曰犬曰猪曰羊曰貓曰

獾曰鼠曰狸曰兔

蟲類曰蠶曰蜂曰蟬曰蠅曰蚊曰蛾曰螢曰蝴蝶

曰蚋曰蟻曰蛻螂曰蝙蝠曰蠅虎曰螳螂曰蜻

蜓曰蟋蟀曰蜘蛛曰螭曰蝥曰蚰蜒曰螻蛄曰蜥蜴



曰蠐螬曰蝸牛曰蝟曰蝎曰蛇

貨類曰絲曰綿曰棉花曰布曰苧曰麻曰絹曰

油曰靛

